

Այս խնդիրը, Հայաստանի արտաքին քաղաքականութիւնը, ինչպէս նաեւ մեր ու մեր դրացիները՝ Վոլա-յարաբերութիւնը, առանձին նիւթեր են, դուրս՝ ներկայ յօդուածի շրջանակից: Հայ ազգային քաղաքականութիւնը պէտք է հիմնուի միայն եւ միայն իր սեփական՝ ոյժերի, մեր երկրի իրական պայմանների վրայ, հարկաւ օգտագործել ջանալով օտար ազդակները:

Դժբախտաբար դառն իրականութիւնը ա՛յն է, որ դեռ այսօր էլ օտար ոյժերն են շարունակում մեզ օգտագործել՝ յօդուտ իրենց եսական շահերի, պառակտելով մեր ազգային ֆակտոր: 1918-1920-ին նրանք նոյն այդ նպատակով ստեղծեցին «Երկու Հայաստաններ»ի խնդիր, ընդդէմ Հայաստանի առաջ քշեցին Կիլիկիան ու «Հայկական Օճախը», Հայաստանի քաղաքական ներկայացուցչութեան կից ստեղծել սուրին եւ պաշտպանեցին մի երկրորդ՝ ա. կ. «Ազգային Պատուիրակութիւն», լարեցին նըրանց իրար դէմ, մեր ձեռքերով իրենց համար շահանակներ հանեցին կրակի միջից, հերթով ու միասնաբար դաւեցին ու դաւադրեցին ինչպէս իրար, այնպէս էլ, մի՛շտ ու հանապազ, մեր արինաքամ ժողովուրդի դէմ: Անգամ այսօր նրանք շարունակում են իրենց հայասպան դերը նրանով, որ օրինակ ամերիկեան «հայասէր» միտնոնարների ու հայ մարդկանց ձեռքով խլել են ուզում արտաքին ճակատի վըրայ մեր ձեռքին մնացած փոքրիկ զէնքերն իսկ:

Միւս կողմից՝ կարմիր պատմուճան հագած Ռուսաստանն է շարունակում իր թմբուկը զարնող հայ բուլչեիկների ձեռքով Հայաստանը օգտագործել իր արտաքին նպատակների համար: Աւելին դեռ: Միջնորդապէս կամ անմիջապէս նա որոմներ է ցանում արտասահմանի հայութեան մէջ եւ որպէս կամազուրկ խազալիքներ գործածում ոչ միայն համայնավար հայերին, այլ եւ զաղութահայ բուրժուազիան: Վերջին հաշուով՝ Մոսկուայի ձեռքում շտեմնելու համար այդ դաւադրութեան կծիկը՝ կոյր պէտք է լինել եւ կամ անդէտ՝ քաղաքական տարրական հարցերում: Երեւանի եւ Թիֆլիսի քաղաքական ճամբան եւս Մոսկուայի վրայով է անցնում: Աչքաթող անելու չէ՛ եր-

բեք այս տարրական ճշմարտութիւնը:

Ամփոփենք: Ազատ, Անկախ եւ Միացեալ Հայաստանը մեր ազգային քաղաքականութեան կէտ-նպատակն է:

Այդ նպատակը հետապնդող միակ իրական եւ վստահելի ոյժը Հայաստանի ժողովուրդն է: Վերջինիս իրական կարողութեանը համապատասխան, տանելի պիտի լինի հայ ազգ. քաղաքականութիւնը՝ իր բոլոր փուլերում, որ հանդրուաններո՛վ միայն կարող է զարգանալ:

Արտասահմանի հայ հատուածները օժանդակողի դեր միայն խաղալ կարող են, յատկապէս նրանք, որոնք ո՛չ միայն զգացումով, այլ եւ ծագումով ու մտնիկ անցեալով, ինչպէս նաեւ ուրիշ քելերով անխզելիօրէն կապուած են Հայաստանի հետ:

Այդ տարրերը ներկայիս արտասահմանում դեզերող մեր աշխատաւոր, Հայաստանցի զանգուածներն են, որոնք առաջի՛ն հերթին իրենց բազուկը եւ միտքը պատրաստ են ի սպաս զնելու հայրենիքին:

Գաղութահայ բուրժուազիան, որ մեծամասնութեամբ զաղութածին է եւ մի խոշոր չափով օտարացած շահերով ու զգացումներով, նիւթապէս եւ մշակութօրէն միայն կարող է օգտակար լինել: Բայց նա անտարբերի՛ դերում է հանդէս դալիս յաճախ, երբեմն միմչեւ իսկ վնասակա՛ր դիրք է բռնում հանդէպ Հայաստանի եւ հայ ազգ. քաղաքականութեան՝ իր դործո՛վ, հակառակ իր խօսքերի: Օտար դիւանազիտութեան ձեռքին շարունակել խազալիք մնալը, արտասահմանի ազգային դրամազլուխների փոխադրութիւնը Հայաստան արգելելը եւայլն, փաստեր են ասածներին:

Ազգային ճակատի հաստատումը հրամայական պահանջ է: Արտաքին, օտար ոյժերը կարող են, նայած պայմաններին, օգտակար կամ վնասակար լինել մեր ազգ. քաղաքականութեան համար: Վերջինս պէտք է ուշադիր հետեւի նրան եւ յօդուտ իր ուղղել ջանայ այն:

Վճռական նշանակութիւն ունի, մեր դատի համար, վերջապէս, նաեւ մեր ու մեր հարեւանների փոխ-յարաբերութեան կարգաւորումը:

(Վերջ)